



Cov lus nug feem ntau rau kev npaj kev txhim kho cov tsev kawm ntawv nyob rau (School Bond Measure M)



www.egusd.net

Qhov haujlwm no yog hais txog dabtsi?

Ib feem ntawm peb kev mob siab siv zog ua haujlwm yog kom muaj kev kawm ntawv zoo nyob rau cov tsev kawm ntawv ib ncig, Elk Grove Unified School District (EGUSD) kuj tsim tau ib daim Facilities Master Plan (FMP) uas qhia txog tasnrho lub district cov tsev kawm ntawv tej kev tu ncuu rau kev txhim kho tej vajtsev kawm ntawv - tsi hais kho tej hoob kawm rau PreK-12, kho tej system uas tswj tej hluav taws xob siv rau tej vajtsev, kawm txog kev siv technology, thiab lwm yam tsig txog rau kev kawm lossis vajtsev tsev kawm ntawv. Peb daim FMP yog daim blueprint uas zoo rau peb kev yuav txhim kho thiab tsim tej vajtsev tsev kawm ntawv. Vim peb muaj daim FMP no lawm, EGUSD tau muab tso rau kev xaiv pov ntawv rau kev kho tej vajtsev kawm ntawv uas yog Measure M, yuav muab tso rau sawv daws xaiv pov ntawv rau thaum lub Kaum Ib hli 2016 kom pab nyiaj ntxiv rau qhov uas tseemceeb tshaj nyob rau peb daim FMP.

Lub School District tej kev tu ncuu uas tseemceeb tshaj yog dabtsi?

Daim FMP qhia ntxaws txog lub district tej kev tu ncuu, uas muaj li nram qabno:

- Ua kom muaj kev cobphum thiab muaj kev ruaj nres rau cov tub ntxhais nyob rau ntawm lub tsev kawm ntawv, uas yog kom muaj cov teeb pom kev zoo, muaj koob thaj dua (cameras), muaj laj kab xov zoo, muaj cov tswb rov thaum tsev kub hnyiab thiab muaj tej kais txuag dej zoo (sprinkler).
- Kho lossis hloov tej vuas tsev uas tsi zoo lawm, kho tej kav dej, kho lossis hloov tej tshuab rau cua kub thiab cua txias
- Kom muaj kev kawm tshiab txog kev siv technology hauv hoob kom cov tub ntxhais yuav kawm thiab paub cov kev kawm uas tseemceeb xws li lej, science, arts thiab technology
- Npaj kom cov hoob kawm thiab cov hoob labs rau kev kawm ua haujlwm thiab kawm cov hoob technology kom cov tub ntxhais thiaj li yuav npaj txhij rau kev mus kawm college thiab kev ua haujlwm thiab npaj txhij yuav sis tw nrog rau ntiaj teb kev ua lagluam haujlwm.
- Muab cov hoob kawm ntawv kho kom tshiab, muab cov hoob lab, thiab lub tsev kawm ntawv kho kom zoo tsimnyog raws li lub chaw kawm ntawv rau tiam 21 kom yuav txhawb tau cov tub ntxhais txojkev kawm ntawv thiab kev qhia ntawv.
- Kom lub tsev kawm ntawv yuav muaj kev nkag mus los yoojyim rau cov tub ntxhais uas xiam oob qhab

Vim Li cas thiaj yuav tsum tau ua nimno?

EGUSD cov tsev kawm ntawv pib qub zuj zus lawm. Peb cov hoob kawm ntawv, kev kawm technology, thiab tasnrho txhua yam hauv lub tsev kawm ntawv yeej muaj feem cuam tshuam tau rau kev qhia ntawv thiab kev kawm ntawv. Tasnrho peb muaj 65 lub tsev kawm ntawv uas tseem niaj hnuv siv, 37 lub tsev kawm ntawv twb tsim tau tshaj li 20 tawm xyoo lawm thiab feem ntau rau peb cov tsev kawm ntawv yog 22 xyoo. Tasnrho cov tsev kawm ntawv yeej yuav tsum tau kho ua ntu zus li thiaj yuav zoo siv. Nyob rau daim FMP, nws qhia tias yuav tsum tau tshaj li 1.6 lab, uas yuav tsum tau sai li sai tau los pab rau cov tub ntxhais uas peb tseem tabtom qhia ntawv rau lub sijhawm no thiab rov yav tom ntej. EGUSD tseem tabtom nrhiav txhua txojkev kom tau nyiaj los pab— tsi hais nyiaj los ntawm lub Xeev lossis Nomtsww thiab tej nyiaj sab nraud (private grants). Ib feem ntawm kev uas yuav ua qhov haujlwm no peb tseem tabtom nrhiav kev pab los ntawm lub zej zos kev txhawb rau kev pov ntawv rau Measure M. School bonds yog ib qhov uas siv ntau rau kev pab nrhiav nyiaj los tsim kho tej vajtsev tsev kawm ntawv uas muaj kev tu ncuu.

Kev uas yuav ntxiv cov hoob kawm ntawv ntxiv thiab kho vajtse no yuav pab tau kev kawm ntawv li cas?

Peb lub homphiaj yog los “npaj cov kev kawm uas zoo tshaj thiab kom txhawb tau TXHUA tus tub ntxhais kom lawv paub thiab ncav cuag li lawv lub peevxwm ua tau.” Peb yuav sivzog qhia ntawv kom zoo thiab kom yuav muaj kev kawm zoo nyob rau txhua qhov chaw kawm ntawv. Peb lub homphiaj yog npaj kom tasnrho peb cov menyuam kawm ntawv nkag tau rau cov kev kawm thiab paub txog tej technologies uas lawv yuav tsum paub thiaj yuav kawm tau ntawv zoo nyob rau hauv elementary, middle, thiab high school thiab npaj txhij rau kev mus kawm college thiab/ kev ua haujlwm. Kev uas muaj lub tsev kawm ntawv kom cobphum, kho dua tshiab thiab kom muaj kev kawm rau technology yog tej uas tseemceeb rau cov tub ntxhais txojkev kawm ntawv.

Cov nyiaj Lottery funds tsuas siv tau los rau kev kawm ntawv xwb, tsi yog siv los tsim kho vajtsev lossis los yuav tej technology tshiab ntxiv. Txawm hais tias siv tau cov nyiaj Lottery funds no los, cov nyiaj uas peb lub district tau txais tseem tsawg tshaj li 1.5% feem pua ntawm cov nyiaj peb siv tawm txhua xyoo. Cov nyiaj Lottery funds xwb tseem tsawg tshaj li .5% feem pua ntawm cov kev tu ncuu uas yuav tsum tau txhim kho rau cov vajtsev kawm ntawv thiab yeej tsi muaj nyiaj txaus uas yuav los mus kho kom peb cov tsev kawm ntawv zoo tsi txhob muaj kev tu ncuu.

Kev uas kho lub tsev kawm ntawv ua ntu zus ne- yeej tsi npaj ib qhov nyiaj kho vajtsev li lov?

Peb lub district cov neeg ua haujlwm kho vajtsev yeej siv zog ua haujlwm kom peb cov tsev kawm ntawv muaj kev cobphum thiab kom tej vajtsev los ua haujlwm zoo. Tiamsis qhov tseeb peb muaj 65 lub tsev kawm ntawv, thiab lub Xeev los tseem pheej yuav txiav nyiaj thiab tau nyiaj tu ncuu los pab (California yog lub xeev 49 nyob rau lub tebchaw no uas tau nyiaj pab raws li tej tus tub ntxhais kawm ntawv), peb cov nyiaj kho vajtsev tamsim no yeej yuav luag muaj tsi txaus los kho tej yam uas yuav tsum tau kho sai. Kev uas kho tej yam loj rau cov vajtsev, kho kom tshiab kom zoo, thiab yuav tej technology tshiab tej no yog pab rau kom tasnrho peb cov tub ntxhais kawm ntawv tau txais cov kev kawm uas zoo tshaj, kom tseem zoo tshaj peb cov qauv rau kev txhim kho vajtsev no thiab.

EGUSD tseem tabtom thov ib cov nyiaj ntau los ntawm Measure M. Koj puas kam qhia meej seb yuav muab cov nyiaj no siv licas? Tau kawg. Peb tsim tau ib daim Facilities Master Plan (FMP). Yog xav paub hais tias kev npaj siv nyiaj

yog licas mus saib rau, see <http://www.egusd.net>. Nyob rau daim FMP nws yuav qhia meej txog tej yam kev tu ncuu nyob rau ntawm txhua lub tsev kawm ntawv uas muaj thiab yuav tsum tau txhim kho dua tshiab.

Kuv cov menyuum twb loj hlob thiab nyias twb mus nyias tas lawm. Vim licas kuv thiaj yuav tsum saib zoo txog qhov no thiab?

Muaj cov tsev kawm ntawv zoo yog lub hauspaub rau lub zej zos kev loj hlob zoo. Muaj tsev kawm ntawv zoo yuav tiv thaiv thiab tseem ua tau rau yus cov tsev nyob ib ncig muaj nqis zog tuaj thiab tseem ua rau lub zej zos nyob muaj kev sis raug zoo. Kev uas peb nqis tes txhawb rau peb cov tsev kawm ntawv yuav txhawb tau kev kawm ntawv rau peb cov menyuum thiab txhawb kom lawv dhau tau los ua ib cov tibneeg laus uas muaj kev vammeej.

Leejtwg yog tus txiav txim siab thaum kawg kom muaj kev pov ntawv rau kev siv nyiaj rau cov tsev kawm ntawv?

Cov Tsavxwm Saib Kev Kawm Ntawv yog cov muaj cai hais kom muab tso rau kev xaiv pov ntawv. Cov Tsavxwm twb tau txiav txim siab li no thaum lub Yim Hli 1, 2016 lawm. Kev txiav txim siab ntawm cov Tsavxwm li no thiaj tau muab qhov no los rau Measure M. kom sawvdaws los xaiv pov ntawv seb puas pom zoo.

EGUSD COV TIBNEEG UAS MUAJ CAI POV NTAWV (REGISTERED VOTERS) yog cov uas txiav txim siab thiab xaiv thaum kawg rau Measure M tsi hais xaiv pov ntawv los ntawv kev xa ntawv tuaj lossis tuaj kiag rau qhov chaw pov ntawv thaum lub Kaum Ib Hli hnuv tim 8, 2016.

Leejtwg thiaj yuav xaiv pov ntawv tau rau Measure M?

Txhua tus uas tau kev tso cai pov ntawv (registered voters) uas nyob hauv EGUSD yeej xaiv pov ntawv tau rau Measure M tau.

Yog kuv xav paub ntxiv txog qhov no, yuav mus nug qhovtwg?

Yog xav paub ntxiv, mus saib rau <http://www.egusd.net> LOSSIS hu rau peb ntawm 916-686-7711 thiab nrog Robert Pierce tham.